



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Natales Sanctorvm Belgii, & eorundem Chronica
Recapitvatio**

Molanus, Johannes

Dvaci, 1616

Decima nona Aprilis.

urn:nbn:de:hbz:466:1-9477

20. De sancta Aya, Comite Hannoniae.

Ex Chronicis Hannonum, & aliunde.

IN Montibus, obitus B. Ayæ, comitis Hannoniae, tam sanguine quam vita præclaræ. Cuius memoriam facit ecclesia Montensis in Litanijs. Hæc coniungitur marito suo sancto Hidulpho, ad diem vige-
simam tertiam Junij. Refert autem historicus Hannonien-
sis, eam suas hæreditates, seu dominia, Montensi contulisse
ecclesiæ, quæ postmodum, quasi iure propinquitatis, re-
petebantur, sed dicta ecclesia, cum vexaretur lite, sanctam
Ayam, et si defunctam, multis precibus in testem euocauit:
& ipsa respondit, se donationem suam ratam habere. Vnde
pacifice quod datum erat datum remansit.

*Iacobus
Guis
Ls. II. c. 4.*

Decima nona Aprilis.

De beato Bernardo, pœnitente in san-
cti Bertini monasterio.Ex Ioanne, vita eius scriptore, & Iacobi Poulain, tu-
ris consiliarii, Canonici Audomarensis, literis.

Ad sanctum Beritium, obitus beatæ Bernar-
di pœnitentis. Quem propter miracula, in vi-
ta & ad tombam facta, sanctorum collegio aggregatum
pietas credit ecclesiæ. Fuit Provincialis diœcesis Magato-
nensis, quæ subest episcopo Narbonensi: literarum
omnino expers, & tamen cum literis sui episcopi, quas
eriam metropolitanus sigillo munierat, pœnitentia
causa totum ferè orbem peragravit, terram sanctam terrid
lustrauit; Tandem in sancti Audomari urbe receptus est à
quodam Vuilhelmo, ubi, sicut decreuerat, permansit.
In literis scriptum erat generati, iniunctam fuisse pœ-
nitentia in septenam, propter horribilia peccata. Sed vitæ
scriptor asserit se audiuisse, quod consensum præbuerit

*Chronicon
loci, c. 45.*

*Ex historia
Ioannis Ms.
in Sæthiu.*

Aprilis 19.

11. NE. A T A V L E S O N A 2

in necem domini sui temporalis, quem subditi occiderant,
eo quod illos iniustis exactiōibus affligebat. Quatuor si-
gulis annis Quadragesimas ieiunabat, tribus diebus hebdo-
madatim pane & aqua contentus erat. Eadem ei parsimo-
nia fuit sextis ferijs, & in vigilijs Apostolorum. Stans fere
semper orabat, Pedibus nudus erat. Vinculis ferreis quin-
que stringebatur, videlicet, circa pectus, lumbos, collum,
brachia, & crura. Cilicio & lotica sub vestibus vrebatur;
lectum habebat ex lapidibus. Cum autem se ex Dei reuelatione
morti propinquum esse intelligeret, postquam su-
sccepit & Ecclesiæ sacramenta, & Bertinensis monasterij
habitum, feliciter requieuit, anno millesimo centesimo
ostuagesimo tertio. Corpus autem primum in exteriori
ecclesia positum est: deinde ob miraculum editum, ad
chorum delatum: & postremò detractis ferro, lorica, & ci-
lico, in ecclesia sancti Bertini sepulturæ traditum. Hacte-
nus ex historia à Ioanne quodam descripta, iubente id Si-
mone abbatे, eius nominis secundo, qui beatum virum in
monachum assūmerat, Bertinenses autem in die depositio-
nis celebrant anniversarium pro omnibus defunctis. Post
Missam processionaliter itur ad beati monumentum, ca-
nendo responsoriū, *Ruforum anima in manu Dei sunt*, cum
Collecta, in qua generatim mentio fit omnium sanctorum,
quorum reliquiæ in ecclesia requiescunt. Sepultus est in
facello sanctæ Catharinæ.

Die vigesima-prima Aprilis.

Obitus B. Vuolbodonis episcopi
Leodiensis.

Ex monumentis ad diuum Laurentium.

Vide A-
maldum
Wion in
Martyrol.
monastico
ad hunc die

Leodij ad sanctum Laurentium, in monte publico, do-
minus Vuolbodo, Leodiensis piissimus episcopus, à
seculo migravit, anno millesimo vigesimo primo,
qui huic loco res factas dedit, & in eo humari elegit. Vita
historiam scripsit loci monachus Reinerus, cuius initium
est, Claræ nobilitatis Vuolbodo, genus ex Flandria duxit; sed
claritatem generis clariore illustrauit vita, eruditione, &
pontifi-